

Bosna i Hercegovina
Federacija Bosne i Hercegovine
TUZLANSKI KANTON
Ministarstvo prostornog uređenja i zaštite okolice

Tuzla, 10.07.2010. godine

Na osnovu člana 29. Zakona o izvršenju budžeta Tuzlanskog kantona za 2010. godinu («Službene novine Tuzlanskog kantona broj: 2/10) i Programa raspodjele namjenskih sredstava Ministarstva prostornog uređenja i zaštite okolice za 2010. godinu, a u skladu sa Odlukom o utvrđivanju uvjeta, kriterija i postupka za raspodjelu namjenskih sredstava iz ekoloških naknada, Ministarstvo prostornog uređenja i zaštite okolice raspisuje:

JAVNI POZIV

privrednim društvima u privatnom vlasništvu i javnim preduzećima sa područja Tuzlanskog kantona za kandidovanje projekata iz oblasti zaštite okolice radi subvencije

1. Pravo učešća na javnom pozivu:

Pravo učešća na javnom pozivu imaju privredna društva koja su u privatnom vlasništvu i javna preduzeća, koja imaju sjedište, obavljaju djelatnost i implementiraju projekte na području Tuzlanskog kantona.

2. Sredstva se raspodjeljuju za projekte iz zaštite okolice koji se odnose na sljedeće: a) privredna društva u privatnom vlasništvu

- zamjene goriva u kotlovnica (prijelaz na gorivo koje smanjuje emisije zagađujućih materija u zrak)
- poboljšanje energetske efikasnosti,
- unapređenje proizvodnje i korištenja obnovljivih izvora energije,
- smanjenje štetnih emisija iz prometa (poticanja čistijih oblika prijevoza),
- unapređenje zbrinjavanja otpada
- smanjivanje zagađenja okolice i
- druge projekte koji se odnose na očuvanje, zaštitu, obnovu i poboljšanje svih oblika okolice (zrak, voda, tlo).

b) javna preduzeća

- zamjene goriva u kotlovnica (prijelaz na gorivo koje smanjuje emisije zagađujućih materija u zrak),
- poboljšanje energetske efikasnosti,
- unapređenje korištenja obnovljivih izvora energije,
- smanjenje štetnih emisija iz prometa (poticanje čistijih oblika prijevoza itd.),
- proširenje područja organiziranog skupljanja otpada,
- selektivno skupljanje otpada,
- smanjivanje zagađenja okolice i
- druge projekte koji se odnose na očuvanje, zaštitu, obnovu i poboljšanje svih oblika okolice (zrak, voda, tlo).

3. Podnosioci prijave dužni su dostaviti slijedeću dokumentaciju kojom dokazuju ispunjavanje uvjeta:

- a) izvod iz sudskog registra društava (bez djelatnosti),
- b) uvjerenje o poreskoj registraciji,
- c) spesimen potpisa iz banke osoba odgovornih za finansije,
- d) dokaz da nije pod stečajem ili likvidacijom,
- e) dokaz da pravno lice nije osuđeno u sudskom postupku za kršenje zakona u smislu njihovog poslovnog ponašanja u razdoblju od 5 (pet) godina,
- f) dokaz da nema neizmirenih obaveza u vezi s plaćanjem doprinosa za socijalno osiguranje zaključno sa mjesecom – maj 2010. godine (PIO/MIO i zdravstveno osiguranje),
- g) dokaz da nema neizmirenih obaveza u vezi s plaćanjem poreza zaključno sa mjesecom – maj 2010. godine (indirektni i direktni porezi),
- h) izvještaj o realizaciji i utrošku sredstava prema utvrđenoj formi za privredna društva u privatnom vlasništvu i/ili javna preduzeća koja su dobila sredstva od ovog ministarstva u prethodnoj godini, a nisu ovu obavezu izvršila ranije i
- i) projekat potpisan i ovjeren od strane podnosioca.

Dokumenti navedeni pod a), b), c), d), e), f) i g) ne mogu biti stariji od tri mjeseca. Svi dokumenti se prilažu u originalu ili ovjerenj kopiji.

4. Projekat koji će se uzeti u razmatranje treba da sadrži:

a) privredna društva u privatnom vlasništvu

- naziv projekta,
- oblast zaštite okoline iz tačke 2. Javnog poziva na koju se odnosi projekat sa opisom konkretnog problema koji se rješava realizacijom projekta uz opis projekta,
- ciljeve projekta (na koji način doprinosi rješavanju problema),
- detaljni opis projekta (opisati po segmentima i po mogućnosti kvalifikovati sve projektne aktivnosti i dinamiku realizacije), sa eventualnom potrebnom prpratnom dokumentacijom (skice, planovi, crteži, fotografije, CD prezentacije i slično),
- specifikaciju troškova sa visinom sredstava koja se potražuju od Ministarstva (navesti detaljnu specifikaciju),
- način i rok realizacije projekta i
- podatke o kontakt osobi vezano za realizaciju projekta (ime i prezime, kontakt adresa, telefon i e-mail).

b) javna preduzeća

- naziv projekta,
- oblast zaštite okoline na koju se odnosi projekt sa opisom konkretnog problema koji se rješava realizacijom projekta,
- ciljevi projekta (na koji način doprinosi rješavanju problema),
- detaljni opis projekta (opisati po segmentima i po mogućnosti kvalifikovati sve projektne aktivnosti i dinamiku realizacije), sa eventualnom potrebnom prpratnom dokumentacijom (skice, planovi, crteži, fotografije, CD prezentacije i slično),
- specifikaciju troškova sa visinom sredstava koje se potražuju od Ministarstva (navesti detaljnu specifikaciju),

- rok realizacije projekta,
- sufinansiranje projekta (navesti u procentima ukoliko ima sufinansiranja),
- usklađenost djelatnosti javnog preduzeća sa odredbama Zakona o zaštiti okoline (dati podatke o posjedovanju okolinske dozvole odnosno dokaz da ista po zakonu nije potrebna) i
- podatke o kontakt osobi vezano za realizaciju projekta (ime i prezime, kontakt adresa, telefon i e-mail).

5. Prijedlog raspodjele sredstava

Prijedlog raspodjele sredstava za privredna društva u privatnom vlasništvu utvrdit će se na osnovu slijedećih kriterija:

- ciljevi projekta su dostižni, mjerljivi, realni i vremenski određeni,
- inovativni aspekt projekta,
- očekivani rezultati projekta su izraženi kroz kvalitativne indikatore,
- samoodrživost projekta i
- usklađenost projekta sa važećim odredbama koje se odnose na zaštitu okoliša.

Prijedlog raspodjele sredstava za javna preduzeća utvrdit će se na osnovu slijedećih kriterija:

- segment zaštite okoline,
- rok realizacije projekta,
- sufinansiranje projekta i
- usklađenost djelatnosti javnog preduzeća sa odredbama Zakona o zaštiti okoline.

6. Broj projekata i iznos sredstava:

Podnosioci prijave imaju pravo na javni poziv prijaviti jedan projekat.

Maksimalni iznos koji se privrednom društvu u privatnom vlasništvu može odobriti za projekat je 30.000 KM.

Maksimalni iznos koji se javnom preduzeću može odobriti za projekt je 50.000 KM.

7. Način prijave:

Prijave se predaju na adresu:

Tuzlanski kanton
Ministarstvo prostornog uređenja i zaštite okoline
Pisarnica Vlade TK (Slatina br. 2)

(sa naznakom: „ZA JAVNI POZIV – NE OTVARATI“ – naznačiti da li se radi o privrednom društvu u privatnom vlasništvu ili javnom preduzeću)

Rok za podnošenje prijava je 15 dana od dana objavljivanja javnog poziva.

Neblagovremene i nepotpune prijave neće se uzeti u razmatranje.

NAPOMENA: Javni poziv za dodjelu sredstava će biti objavljen i na zvaničnoj web stranici Vlade Tuzlanskog kantona www.vladatk.kim.ba.